

西方願文解

淨業弟子株宏著并釋



西方願文解

淨業弟子株宏著并釋

A01 總序歸敬	8
B01 標主	8
B02 明願	9
B03 請加	10
A02 正述願文	10
B01 求生西方正因	10
C01 發起大心	11
C02 懺除業障	12

C03	立願自要	13
C04	求佛冥加	14
C05	淨業成就	15
B02	得生西方明驗	16
C01	臨終正念	16
C02	感佛來迎	17
C03	往生極樂	18
B03	已生淨土大用	18
C01	見佛得記	18
C02	蒙記具德	19

C03 成德利生 ----- 20

C04 普皆回向 ----- 21

南無本師釋迦牟尼佛

自歸於佛 當願眾生 紹隆佛種 發無上意

自歸於法 當願眾生 深入經藏 智慧如海

自歸於僧 當願眾生 統理大眾 一切無礙

西方願文解

歸	標主	稽首西方安樂國 接引眾生大導師
敬	明願	我今發願願往生
求	請加	惟願慈悲哀攝受
生	發起大心	弟子(某)(某)，普為四恩三有法界眾生，求於諸佛一乘無上菩提道故，專心持念阿彌陀佛萬德洪名，期生淨土。

西
方
正
因

懺除業障

又，以業重福輕、障深慧淺，染心易熾，淨德難成。今於佛前，翹勤五體，披瀝一心，投誠懺悔。

我及眾生，曠劫至今，迷本淨心，縱貪瞋癡，染穢三業，無量無邊。所作罪垢，無量無邊。所結怨業，願悉消滅。

立願自要

從於今日，立深誓願：遠離惡法，誓不更造；勤修聖道，誓不退惰；誓成正覺；誓度眾生。

求佛冥加

阿彌陀佛，以慈悲願力，當證知我，當哀愍我，當加被我。願禪觀之中，夢寐之際，得見阿彌陀佛金色之身，得歷阿彌陀佛寶嚴之土，得蒙阿彌陀佛甘露灌頂，光明照身，手摩我頭，衣覆我體。

淨業成就

使我宿障自除，善根增長。疾空煩惱，頓破無明。圓覺妙心廓然開悟。寂光真境，常得現前。

得 臨終正念

至於臨欲命終，預知時至。身無一切病苦厄難，心無一切貪戀迷惑。諸根悅豫，正念分明，捨報安詳，如入禪定。

生 感佛來迎

阿彌陀佛與觀音、勢至、諸聖賢眾，放光接引，垂手提攜。樓閣幢幡，異香天樂，西方聖境，昭示目前。令諸眾生，見者聞者，歡喜感歎，發菩提心。

西 往生極樂

我於爾時，乘金剛臺，隨從佛後，如彈指頃，生極樂國七寶池內勝蓮花中。

方 見佛得記

花開見佛，見諸菩薩，聞妙法音，獲無生忍。於須臾間，承

生
淨
土
大
用

蒙記具德

事諸佛，親蒙授記。

得授記已，三身四智、五眼六通，無量百千陀羅尼門，一切功德，皆悉成就。

成德利生

然後不違安養，回入娑婆，分身無數，徧十方剎。以不可思議自在神力，種種方便，度脫眾生，咸令離染，還得淨心，同生西方，入不退地。

如是大願，世界無盡，眾生無盡，業及煩惱一切無盡，我願無盡。

普皆回向

願今禮佛發願修持功德，回施有情。四恩普報，三有齊資，法界眾生，同圓種智。

A01 總序歸敬

有三：①標主，②明願，③請加。

B01 標主

稽首西方安樂國 接引眾生大導師

稽首者，以首叩地，敬之至也。

西方國土無量，今歸敬者，西方之安樂國也。

安樂，極樂之異名也，或名安養，或名清泰，其義一也。

接，攝取也。引，指導¹也。

1 導，啟發以正道。

眾生沉淪，接取置之善地。眾生迷昧，指導歸之正途。

凡知識阿羅漢、菩薩、如來，皆接引導師，如畋獵之有虞人²，涉川之有舟長，問路之有土民也。惟佛為群導師之中，大導師也。

大，二意：①普度群靈，無遺失故。②究竟成佛，無退轉故。

B02 明願

我今發願願往生

信行願三，淨土資糧。但言願者，唯信故願。願之切者，必其信之真也。行以願立。願之切者，自能行之力也。

² 虞人，官名，掌山澤。

是以《阿彌陀經》中，專說發願願往，不一而足。

B03 請加

惟願慈悲哀攝受

願文備矣。

①問古云：「把手牽他行不得，唯人自肯乃相應。」何乃求佛攝受耶？

②答①阿彌陀佛本願力故。②求佛攝受，正自肯故。③感應道交，正相應故。

A02 正述願文

有三：①求生西方正因，②得生西方明驗，③已生淨土大用。

B01 求生西方正因

有五：①發起大心，②懺悔業障，③立願自要，④求佛冥加，⑤淨業成就。

C01 發起大心

弟子(某)(某)，普為四恩三有法界眾生，求於諸佛一乘無上菩提道故，專心持念阿彌陀佛萬德洪名，期生淨土。³

先出念佛求生淨土之本志也。

普為者，兼利為懷，不為自身獨求解脫也。

一乘者，佛果為期，不於餘乘妄有希冀也。

發如是心，乃修淨土，是謂正因。苟為不然，雖勤念佛，因地不真，果招迂曲。

³ 發菩提心、持名念佛，始與阿彌陀佛之本願相應，方得往生。

四恩者。在家則父母、眾生、國王、三寶。出家則父母、師長、國王、施主也。

三有者，欲有、色有、無色有也。

C02 懺除業障

又，以業重福輕，障深慧淺，染心易熾，淨德難成。今於佛前，翹勤五體，披瀝一心，投誠懺悔。

我及眾生，曠劫至今，迷本淨心，縱貪瞋痴，染穢三業，無量無邊。所作罪垢，無量無邊。所結怨業，願悉消滅。

承上，雖發大心，恐宿世今生，業障多而福慧少，欲淨偏染，故須懺悔。

本淨者，心本自淨，因迷成染，今始覺知，慚愧修省。若本不淨，如銷頑鐵

欲成真金，縱經百鍊，終不成就。

三業者，身業、意業、口業也。三業各具貪瞋痴故。

C03 立願自要

從於今日，立深誓願：遠離惡法，誓不更造；勤修聖道，誓不退惰；誓成正覺；

誓度眾生。

雖已懺悔，不發誓願，是謂有懺無悔。

要者⁴，猶俗云脅制，古曰要君，今自要故。

4 要者，要約也。

四句，即四弘誓也。遠離句，即煩惱無盡誓願斷也。勤修句，即法門無量誓願學也。誓成句，即佛道無上誓願成也。誓度句，即眾生無邊誓願度也。

C04 求佛冥加

阿彌陀佛，以慈悲願力，當證知我，當哀憫我，當加被我。

願禪觀之中，夢寐之際，得見阿彌陀佛金色之身，得歷阿彌陀佛寶嚴之土，得蒙阿彌陀佛甘露灌頂。光明照身，手摩我頭，衣覆我體。

古淨土文，謂：佛以天眼遙觀，天耳遙聞，他心速見故。行人既發大心，佛必證知。既證知已，佛大慈悲，必垂哀憫。既哀憫已，佛大威神，必垂加被。顯如禪觀，幽如夢寐。

所云金色、寶嚴、甘露、光明、手摩、衣覆，精誠之極，感應自然。

或不精誠，與精誠未極，則不能也。

然，行人但須一心精誠，不必因此生著作意求現。

C05 淨業成就

使我宿障自除，善根增長，疾空煩惱，頓破無明。圓覺妙心，廓然開悟。寂光真境，常得現前。

既以自力，又蒙佛力，內外交資，故障滅善生，有如是等大利益事。

空而曰疾，不勞肯綮修證也。破而曰頓，不歷階級次第也。

了悟圓覺，常住寂光，至是得本淨心，故曰淨業成就。

宿障者，貪瞋痴等。善根者，戒定慧等。妙心真境，言之似分，實則即心即境，即境即心，二而不二。

B02 得生西方明驗

有三：①臨終正念，②感佛來迎，③往生極樂。

C01 臨終正念

至於臨欲命終，預知時至。身無一切病苦厄難，心無一切貪戀迷惑。

諸根悅豫，正念分明，捨報安詳，如入禪定。

至於者，前修淨因，故至臨終，感斯淨報也。

平日散心雜念，臨行揮霍悻惶。念佛若至一心，臨終安得不定？

然，行人但貴已離貪戀迷惑，勿慮或遭病苦厄難。倘遭病厄，當知念佛人死此往生，如脫敝衣，得換珍服；如出牢獄，得還故家，不亦樂乎！況古云：還有不病者麼，則亦有不厄者。復何慮哉！

病苦者，身所生。厄難者，身所遇。貪戀者，或貪眷屬，或貪財產，不能捨故。迷惑者，心念顛倒，如不知地獄，而曰我欲往中，我欲往中故。

C02 感佛來迎

阿彌陀佛，與觀音、勢至、諸聖賢眾，放光接引，垂手提携。

樓閣幢幡，異香天樂，西方聖境，昭示目前。

令諸眾生，見者聞者，歡喜感歎，發菩提心。

經云：執持名號，一心不亂，其人臨命終時，阿彌陀佛，與諸聖眾，現在其前是也。

眾見發心，則自他兼利矣。

又，眾人皆見，其事乃真。獨己見之，或是魔事。

C03 往生極樂

我於爾時，乘金剛臺，隨從佛後，如彈指頃，生極樂國七寶池內勝蓮花中。

上見佛來，今隨佛去。無來去中，而來去也。勝蓮花者，上上品也。

B03 已生淨土大用

有四：①見佛得記，②蒙記具德，③成德利生，④普皆回向。

C01 見佛得記

花開見佛，見諸菩薩，聞妙法音，獲無生忍。

於須臾間，承事諸佛，親蒙授記。

上言平日求生，臨終得生，然豈徒得生而已乎。

今言得生之後，親蒙佛記，具足功德，廣度眾生，有如是等大用也。

凡生西方者，花開有遲速，見佛有早晚，悟道有先後。今是舉念即生，生已即花開，即見佛，即聞法，即得忍，即授記也。皆上上品事。

C02 蒙記具德

得授記已，三身、四智、五眼、六通、無量百千陀羅尼門，一切功德，皆悉成就。

疑：如是廣大功德，累劫修習，未必能得。云何一生西方，皆悉成就？

釋：不知萬法唯心。既得一心，何法不得！

《文殊般若》稱：「念佛為一行三昧。得此三昧，所有多聞、智慧、辯才，遠過阿難百千萬億倍。」餘可知矣。

三身者，法報化身也。

四智者，大圓鏡智、平等性智、妙觀察智、成所作智也。

五眼者，肉眼、天眼、慧眼、法眼、佛眼也。

六通者，天眼通、天耳通、他心通、宿命通、神足通、漏盡通也。

陀羅尼者，此云總持。

C03 成德利生

然後，不違安養，回入娑婆，分身無數，徧十方刹。以不可思議自在神力，種種方便，度脫眾生，咸令離染，還得淨心，同生西方，入不退地。

如是大願，世界無盡，眾生無盡，業及煩惱一切無盡，我願無盡。

然後者，古所謂既生西方，得無生忍已，還來此世，救苦眾生也。

不違而入者，常居九品，常在十方，時時堪忍度眾生，刻刻西方入正定也。

還得淨心者，上言「迷本淨心」，此言「昔迷今悟」。如久失方得，得其本有之淨心，非新得也。

願無盡者，前來發起無上大心故，今成滿無盡大願也。

C04 普皆回向

願今禮佛、發願、修持功德，回施有情。

四恩普報，三有均資，法界眾生，同圓種智。

初始發心求生淨土，本為四恩三有法界眾生，故今回向亦如是。

西方願文解

願生西方安樂國 見佛聞法悟無生 不違本誓入娑婆 咸共眾生成佛道

受持及讀誦 讚歎並宣說 福慧俱增長 災障悉消除 現眷咸安康 先親得超昇 見聞與隨喜 皆共成佛道



妙法寺 香港新界屯門藍地

<https://www.mfbm.hk>